

四庫全書

集部

欽定四庫全書

集部
嚴陵集卷二

詳校官庶吉士臣柳遇祖

助教臣常循覆勘

總校官庶吉士臣朱 鈐

校對官編修臣錢 樾

謄錄監生臣管世勳

欽定四庫全書

集部八

嚴陵集

總集類

提要

臣等謹案嚴陵集九卷宋董弅編弅東平人
通之子也自著曰廣川蓋欲附仲舒裔耳紹
興間知嚴州因輯嚴州詩文自謝靈運沈約
以下迄於南宋之初前五卷皆詩第六卷詩
後附賦二篇七卷至九卷則皆碑銘題記等

雜文漆自序謂嘗與僚屬修是州圖經蒐求
碑版稽考載籍所得逸文甚多又得郡人喻
彥先家所藏書與教授沈懋廣求備錄而成
是集如司馬光獨樂園釣魚菴詩本作于
洛中以首句用嚴子陵事因牽而入于此集
未免假借附會沿地志之陋習然所錄詩文
唐以前人雖尚多習見至于宋人諸作自有
專集者數人外他如曹輔呂希純陳瓘朱彥

江公望江公著蔡肇張伯玉錢勰李昉扈蒙
劉昌言丁謂范師道張保雖章岷阮逸關詠
李師中龐籍孫沔王存馮京刁約元絳張景
修岑象求邵元馬存陳軒吳可幾葉鼎恭劉
涇賈青王達張綬余闕刁衍倪天隱周邦彥
羅汝楫詹元宗陳公亮錢聞詩諸人今有不
知其名者有知名而不見其集者藉蔡是編
尚存梗概是亦談藝者所取資矣惟莽序作

于紹興九年而第九卷中有錢聞詩浚西湖
記作于淳熙十六年上距紹興九年凡五十
一年又有陳公亮重修嚴先生祠堂記及書
瑞粟圖二篇作于淳熙乙巳重修貢院記一
篇作于淳熙丙午亦上距葬作序之時凡四
十七八年則後人又有所附益已非葬之本
書要亦宋人所續也乾隆四十五年四月恭
校上

總纂官臣紀昀臣陸錫熊臣孫士毅

總校官臣陸費墀

嚴陵集原序

詩三百篇大抵多本其土風而有作聖人刪取各繫其國如二南皆正風也周召既分陝而治則繫詩有不得而同三國當變風之始邶鄘既并于衛邶居衛北而詩有北門以興出門而北歸于邶也鄘居衛東而詩有載馳以興東徙渡河而廬于漕也衛在河之北而詩有河廣以興杭葦而南適于宋也是三者皆衛詩而以所收之異隨其國繫之其它蓋可類見使夫後世觀詩者因

土風而知國俗則秦勇幽儉鄭淫魏褊皆自乎此而得之矣近代有裒類一州古今文章叙次以傳者其亦得聖人之遺意歟自東漢之末孫氏據有吳粵之墟始分歙縣之地建為新安郡逮隋而更郡名新定大業改為睦州唐初即桐廬縣別置嚴州尋廢州以縣來隸至國朝宣和中始復今名蓋以子陵釣臺為是邦重故以名州州境山水清絕著稱自古歷攷前代朱太守以文學備應對之臣於西京後世則有皇甫持正方雄飛李德

新施肩吾徐凝咸以詞章名世文為世傳而紀詠其鄉里為多今代如江民表全名直節見推于時文采蓋其餘事至于騷人名士過焉而賦者在晉則謝康樂梁則沈隱侯唐則李太白孟浩然白樂天羅隱國朝則梅聖俞蘇子美龐莊敏公王文公其牧守之有文在梁則任彥昇唐則杜紫微國朝則范文正公趙清獻公以至呂子進蔡天啓又如張伯玉錢穆父皆嘗官于此者率多賦詠邦人傳諷迨今不絕而獨未有裒類而為集者雖

有桐江集止載桐廬一邑之文而又繁冗不倫人不甚
傳茲者弁與僚屬修是州圖經搜訪境內斷殘碑版及
脫遺簡編稽攷訂正既成書矣因得逸文甚多復得郡
人喻君彥先悉家所藏書討閱相示又屬州學教授沈
君儔與諸生廣求備錄時以見遺乃為整比而詳擇凡
自隋以上在新安郡者自唐以後迄國朝宣和以前在
睦州者取之其未嘗至而賦詠實及此土如唐韓文公
近世司馬溫公蘇東坡黃魯直蓋不得而不錄也其有

名非甚顯嘗過而賦焉一篇一詠膾炙人口者蓋亦不
得而遺也嗚呼其亦庶幾詩人本其土風之作而聖人
各繫其國之遺意乎乃若釣臺雙峙高風絕企古今歌
詩銘記居多編之此集有不容略故總以州名而為之
標目云紹興九年夏四月壬申知軍州事廣川董弁序

欽定四庫全書

原序

欽定四庫全書

嚴陵集卷一

詩

七里瀨

謝靈運

宋 董弅 編

羈心積秋晨
晨積展游眺
孤客傷逝湍
徒旅苦奔峭
石淺水潺湲
日落山照耀
荒林紛沃若
哀禽相叫嘯
遭物悼遷斥
存期得要妙
既秉上皇心
豈屑末代諠
目覩嚴

子瀨想屬任公釣誰謂古今殊異世可同調

新安江水至清淺深見底貽京邑游好

沈約

眷言訪舟客茲川信可珍洞澈隨深淺皎鏡無冬春千
仞寫喬樹百丈見游鱗滄浪有時濁清濟涸無津豈若
乘斯去俯映石磷磷紛吾隔囂滓寧假濯衣巾願以潺
湲水沾君纓上塵

嚴陵瀨

任昉

羣峯此峻極參差百重嶂清淺既漣漪激石復奔壯神

物徒有造終然莫能仗

贈郭桐廬出溪口見候余既未至郭仍進邨維舟
久之郭生方至

朝發富春渚蓄意忍相思涿令行春反冠蓋益川坻望
久方來萃悲懼不自持滄江路窮此湍險方自茲疊嶂
易成響重以夜援悲客心幸自弭中道遇心期親好自
斯絕孤游從此辭

清溪二首

李白

清溪清我心水色異諸水借問新安江見底何如此人
行明鏡中鳥度屏風裏向晚猩猩啼空悲遠遊子

清溪勝桐廬水木有佳色山貌日高古石容天傾側綠
鳥昔未名白猿初相識不見同懷人對之空歎息

經七里瀨

孟浩然

予奉垂堂誠千金非所輕為多山水樂頻作泛舟行五
岳追尚子三湘弔屈平湖經洞庭闔江入新安清復聞
嚴陵瀨乃在此川路湍嶂數百里沿洄非一趣彩翠相

氤氲別流亂奔注釣磯平可坐苔磴滑難步援飲石下
潭鳥還日邊樹觀奇恨來晚倚櫂惜將暮揮手弄潺湲
從茲洗塵慮

至七里灘作

李嘉祐

遷客投於越臨江淚滿衣獨隨流水遠轉覺故人稀萬
木迎秋序千峯駐晚暉行舟猶未已惆悵暮潮歸

入睦州分水路憶劉長卿

北闕忤明主南方隨白雲沿洄灘草色應接海鷗羣建

德潮已盡新安江又分回看嚴子瀨朗詠謝安文雨過
暮山碧猿吟秋日曛吳洲不可到刷鬢為思君

送張十八歸桐廬

劉長卿

歸人乘野艇帶月過江邨正落寒潮水相隨夜到門
卻歸睦州至七里灘下作

南歸猶謫官獨上子陵灘江樹臨洲晚沙禽對水寒山
開斜照在石淺亂流難惆悵梅花發年年此路看

對酒寄嚴維

陋巷喜陽和，衰顏對酒歌。
懶從華髮亂，閒任白雲多。
郡簡容垂釣，家貧學弄梭。
門前七里瀨，早晚子陵過。

睦州送尊師醮畢還越

吹簫江上晚惆悵，別茅君，蹋火能飛雪。

一作吞

刀入

一作作

吐白雲晨香永，日在夜磬滿山聞。
揮手桐溪路，無情水亦分。

按覆後貶官赴睦州奉贈苗侍郎制使

地遠心難達，時危謗易成。
羊腸留覆轍，虎口脫餘生。
直

氏偷金枉于家決獄明一言知己重片義殺身輕日

一作

月下人誰憶天涯客獨行年光銷蹇步秋氣入哀情建

業

一作禪

知何在長江問去程孤舟百口淚萬里一猿聲

落日看鄉路空山向郡城豈令冤積氣千古在長平

新安江送陸澧歸江陰

新安路人來去蚤潮復晚潮明日知何處潮水無情亦
解歸自憐長在新安住

酬皇甫侍御見寄時前相國姑臧公初臨郡

離別江南北汀洲葉再黃路遙雲共水砧迥月如霜歲
儉依仁政年哀憶故鄉佇君宣室召漢法倚張綱

酬張履雪夜發桐廬訪別途中苦寒之作

扁舟乘興客不憚苦寒行晚暮相依分江湖欲別情水
聲冰下咽沙路雪中平舊劍鋒鋟盡應嫌脫贈輕

余浦橋月下重游

秋風颯颯鳴條風月相和寂寥黃葉一離一別青山暮
暮朝朝空江漸出亭岸老樹猶依斷橋明日行人已遠

空餘淚滴回潮

七里灘重送嚴維

秋風渺渺水空波
越客孤舟欲榜歌
手折哀楊悲老別
故人零落已無多

赴新安贈別梁侍御

新安君莫問此路水雲深
江海無行蹟孤舟何處尋
青山空向淚白日豈知心
縱有餘生在終傷老病侵

酬李穆見寄

孤舟相訪至天涯萬轉雲山路更賒
欲埽柴門迎遠客
青苔黃葉滿貧家

新安江奉送穆諭德歸朝賦得行字

九重宣室召萬里建溪行事直皇天在歸遲
白髮生用才身復起覩聖眼猶明離別寒江上潺湲若有情

題元錄事開元寺所居

幽居蘿薜情高卧紀綱行鳥散秋鷹下人閒春草生
冒嵐歸野寺收印出山城今日新安郡因君水更清

送張相扶持之睦州

遙憶新安舊扁舟復卻還淺深看水石來往逐雲山入
縣餘花在過門故柳閒東征隨子去皆隱薜蘿間

奉使新安自桐廬縣經嚴陵釣臺宿七里灘下寄
使院諸公

悠然釣臺下懷古時一望江水自潺湲行人獨惆悵新
安從此始桂楫方蕩漾回轉百里間青山千萬狀連崖
去不斷對嶺遙相向夾岸黛秋色沈沈淥波上夕陽留

古木水鳥拂寒浪月下扣舷聲烟中采菱唱猶憐負羈
束未暇依清曠牽役徒自勞近名非取尚何時故山裏
卻醉松花釀回首惟白雲孤舟誰復訪

嚴陵釣臺送李康成赴江東使

潺湲子陵瀨彷彿如在目七里人已非千年水空淥新
安江上孤颿遠應逐楓林萬餘轉古臺落日自蕭條寒
水無波更清淺臺上漁竿不復持卻令猿鳥向人悲灘
聲山翠至今在遲爾行船晚泊時

使還七里瀨下逢薛承規赴江南貶

遷客歸人醉晚寒孤舟暫泊子陵灘
憐君更去三千里落日青山江上看

重別嚴維

月色今宵最明庭間夜久天清
愁寂多年左官殷勤遠別深情
溪臨修竹烟色風落高梧雨聲
耿耿相看不寐遙聞曉杵山城

新安非欲掛颿過海內如君有幾多
醉裏別時秋水色

老人南望一狂歌

寄劉員外

皇甫曾

南憶新安郡，千山帶夕陽。
斷猿知夜久，秋草助江長。
鬢髮應成素，青松獨見霜。
愛才稱漢主，題柱待田郎。

發桐廬先寄劉八丈員外

李穆

處處雲山無盡時，桐廬南望轉參差。
舟人莫道新安近，欲上潺湲行自遲。

耶溪書懷寄劉長卿員外寓睦州

秦系

時人多笑樂幽棲
晚起閒行獨杖藜
雲色卷舒前後嶺
藥苗新舊兩三畦
偶逢野果將呼子
屢折荆釵亦為妻
擬共釣竿長往復
嚴陵灘上勝耶溪

寄皇甫湜

韓愈

敲門驚晝睡
問報睦州吏
手把一封書
上有皇甫字
拆書放牀頭
涕與淚垂洟
昏昏還就枕
罔罔夢相值
悲哉無奇術
安得生兩翅

送皇甫湜赴舉

馬異

馬蹄聲特特去入天子國借問去是誰秀才皇甫湜含
吐一腹文八音兼五色主文有崔李郁郁為朝德青銅
鏡必明朱絲繩必直稱意太平年願子長相憶

贈施肩吾

張籍

世間漸覺無多事雖得空名未著身合取藥成相待喫
不須先作上天人

送施肩吾東歸

知君本是烟霞客被薦因來城闕間世業偏臨七里瀨

仙游多在四明山蚤聞詩價傳人徧新得科名到處間
惆悵灞亭相送去雲中琪樹不同攀

西山即事奉寄故園徐處士

施肩吾

僕作江西少施氏君為城北老徐翁詩篇憶昔歡相接
顏貌如今恨不同世界盡憂疏上露時人皆怕燭前風
唯余獨慕神仙道芥子雖窮壽不窮

桐廬廳觀論事叟

擾擾廳前走羸瘵中有老人扶杖拜天公霹靂耳不聞

猶為子孫爭地界

秋日桐江送裴秀才歸淮南

怪來頻起詠刀頭
桐樹枝邊一葉秋
又向江南別才子
卻將風景過揚州

題釣臺蘭若

山僧不釣臺下魚
幾年空寄臺邊坐
有時手把乾松枝
沿江乞得沙上火

歸分水留贈王少府

仙吏飲冰多玉聲
新詩麗句遺狂生
不愁日暮歸山去
故把隋珠入夜行

過桐廬場鄭判官

滎陽鄭君游說餘
偶因權茗來桐廬
幽竒山水引高步
曄曄風光隨使車
算絡百萬日不虛
吏人叢裏唯簿書
眼前橫掣斷犀劍
心中暗轉靈蛇珠
有時退公兼退食
一尊長在朱軒側
胡商大鼻左右趨
趙妾細眉前後直
醉來引客上紅樓
面前一道桐溪流
登臨山色在掌內

指點霞光隨杖頭東郭野人慵櫛沐使將破履升華屋
數杯醕酖不得歸樓中便蓋江雲宿卻被江雲濕我衣
賴君借我貂襜歸

夏日過從叔幽居

且將一葉繫垂楊門對清溪夏日長林下喜逢青竹巷
局邊輸卻紫羅囊碧蹄駿馬銜芻細紅粉佳人挈榼香
伯仲歷官年盡少那知不笑漢馮唐

贈族叔處士

我家名士已無求若見翔鴻便舉頭
紫石巖邊吟繡段
青苔紙上落銀鈎
高人酒席稱無醉
細字經書讀未休
定是仙山足靈藥
年過八十轉風流

游安禪寺

徐凝

欲到安禪游聖果
先觀湧塔出香城
樓臺有日連雲漢
壑谷無年斷水聲
倚竹並肩青玉立
上橋如蹋白虹行
傷嗟置寺碑交碎
不見梁朝施主名

新定途中

杜牧

無端偶效張文紀下杜鄉園別五秋重過江南更千里
萬山深處一孤舟

睦州四韻

州在釣臺邊溪山實可憐有家皆掩映無處不潺湲好
樹鳴幽鳥晴樓入野烟殘春杜陵客中酒落花前

題新定八松院小石

雨滴珠璣碎苔生紫翠重故關何日到且看小三峯

寄內兄和州崔員外十二韻

歷陽崔太守何日不含情
恩義同鍾李墳麓實弟兄
光塵能混合擘畫最分明
臺閣仁賢譽閨門孝友聲
西方像教毀南海繡衣行
金橐寧回顧珠簾肯一
張祇宜裁密詔何自取
專城進退無非道回翔
必有名好風初婉軟離
思苦縈盈金馬舊游貴
桐廬春水生雨侵寒牖
夢梅引凍醪傾共祝中
興主高歌倡太平

丹水

何事苦縈回離腸不自裁
恨聲隨夢去春態逐雲來
沈

定藍光澈喧盤粉浪開翠巖三百尺誰作子陵臺

郡中有懷寄上睦州員外十三兄歙州刺史邢羣
城枕溪流淺更斜麗譙連帶邑人家經冬野菜青青色
未臘山梅樹樹花雖免瘴雲生嶺上永無京信到天涯
如今歲晏從羈滯心喜彈冠事不賒

正初奉酬

翠巖千尺倚溪斜曾得嚴光作釣家越嶂遠分丁字水
臘梅遲見二年花明時刀尺君須用幽處田園我有涯

金定口居人言
卷一
一壑風烟陽羨里解龜休去路非賒

秋晚蚤發新定

解印書千軸重陽酒百缸涼風滿紅樹曉月下秋江巖
壑會歸去塵埃終不降懸纓未敢濯嚴瀨碧淙淙

除官歸京睦州雨霽

秋半吳天霽清凝萬里光水聲侵笑語嵐翠撲衣裳遠
樹凝羅帳孤雲認粉囊溪山侵兩越時節到重陽顧我
能甘賤無由得自強悞曾公觸尾不敢夜循牆豈意籠

飛鳥還歸錦帳郎
網今開傳變書
舊識黃香姪女真
虛語饑兒欲一行
淺深須揭厲休更
學張綱

夜泊桐廬先寄蘇臺盧郎中

水檻桐廬館歸舟
繫石根笛吹孤戍
月犬吠隔溪邨十
載違清義幽懷未
一論蘇臺菊花節
何處與開尊

嚴陵釣臺下作

權德輿

絕頂聳蒼翠清湍石
磷磷先生晦其中
天子不得臣心
靈棲顙元纓冕猶
緇塵不樂禁中卧
卻歸江上春潛驅

東漢風日使薄者醇焉用佐天下持此報故人則知大
賢心不獨私其身弛張有深致耕釣陶天真奈何清風
後擾擾論屈伸交情同市道利欲相紛綸我行訪遺臺
仰古懷逸民矰繳鴻鵠遠雪霜松桂新江沈去不窮山
色陵秋旻人世自今古清輝照無垠

宿桐廬館同崔存度醉後作

白居易

江海漂漂共旅游一尊相勸散窮愁夜深醒後愁還在
雨滴梧桐山館秋

憑李睦州訪徐凝山人凝即睦州之民也

郡守輕詩客鄉人薄釣翁解憐徐處士唯有李郎中

嚴陵集卷一

欽定四庫全書

嚴陵集卷二

宋 董斧 編

詩

桐廬山中贈李明府

孟郊

靜境無濁氛清雨零碧雲千山不隱響一葉動亦聞即
此佳志士精微誰相羣欲識楚

一作此

章句袖中蘭茝薰

題嚴光釣臺

歐陽詹

弭擢歷陳迹悄然關我情伊無昔時節豈有今時名辭
貴不辭賤是心誰復行欽哉此溪曲永獨英風清

送友人喻坦之歸睦州

韓翃

歸心常共知歸路不相隨彼此無依倚東西又別離山
花含雨潤江樹逆潮歌莫想漁樵興人生各有為

送徐山人歸睦州舊隱

雍陶

君在桐廬何處住草堂應與戴家鄰初歸山犬翻驚主
久別江鷗卻避人終日欲為相逐計臨時空羨獨行身

秋風釣艇遙相憶
七里灘西片月新

嚴子陵

唐彥謙

嚴陵情性是真狂
抵觸三公傲帝王
不怕舊交嗔僭越
喚他侯霸作君房

送劉崇偃尉睦州建德縣

張祜

一命前途遠
雙曹公邑間
夜潮人到郭
春霧鳥啼山
淺瀨橫沙堰
高巖峻石斑
不堪曾倚櫂
猶復夢升攀

晚泊七里灘

許渾

天晚日沈沈歸船繫柳陰江邨平見寺山郭遠聞砧樹
密猿聲響波澄鴈影深榮名暫時事誰識子陵心

思桐廬舊居便送鑑上人

溫庭筠

莫道東南路不賒思歸一步是天涯林中夜半雙臺月

嚴光釣渚有東臺西臺

洲上春深九里花

桐廬有九里洲

綠樹遶邨舍細

雨寒潮背郭卷平沙聞師卻到鄉中去為我殷勤謝酒
家

春日旅舍言懷

李頻

未識東西南北路青春日月坐銷難如何一別故鄉後
五度花開五處看

及第後歸新定

家臨浙水傍岸對買臣鄉縱擢隨歸鳥乘潮向夕陽苦
吟身得雪甘意鬢成霜況此年猶少酬身足自強

春日思歸

春晴不斷若連環一夕思歸鬢欲斑壯志未酬三尺劍
故鄉空隔萬重山音書斷絕干戈後親友相逢夢寢間

卻羨浮雲與飛鳥因風吹去又吹還

還壽昌過西嶺下贈婦

魏馱家前幾樹花嶺西還有數千家
石斑魚鮓香衝鼻
淺水沙田飯繞牙

自黔中歸新定

朝過春關辭北闕暮參戎幕向南巴
卻將仙桂東歸去
江月隨人直到家

貽友人喻坦之

從容心自別飲水勝銜杯共在山中長相隨闕下來修身空有道取事各無媒不信清平代終遺草澤才

白雲亭

羅萬象

一池荷葉衣無盡數樹松花食有餘剛被世人知佳處不如依舊再移居

寄李頻

方干

衆木又搖落望君還不還軒車在何處雨雪滿前山思苦文星動鄉遙釣渚閒明年見名姓唯我獨何顏

途中逢孫輅因得李頻消息

灞上寒仍在柔條亦自新山河雖度臘雨雪未知春正
憶同袍者堪逢共國人銜杯益無語與爾轉相親

題桐廬謝逸人江居

少小高眠無一字五侯勲盛欲如何潮邊倚竹寒吟苦
石上橫琴夜醉多鳥自樹梢隨果落人從窓外卸颿過
由來朝市為真隱可要棲身向薜蘿

睦州呂郎中郡中環翠亭

為是仙才登望處風光便似武陵春間花半落猶迷蝶
白鳥雙飛不避人樹影興餘侵枕簟荷香坐久著衣巾
暫來此地非多日明主那容借寇恂

與鄉人鑑休上人別

此日因師話鄉里故鄉風土我偏諳一庖竹葉如溪北
半樹梅花似嶺南山夜獵徒多信犬雨天邨舍未催蠶
如今休作還家意兩鬢垂絲已不堪

方著作畫竹

疊葉與高節俱從毫末生留傳千古譽研鍊十年情向
月本無影臨風疑有聲吾家釣臺畔似此兩三莖

暮發七里灘夜泊嚴光臺下

一瞬即七里箭馳猶是難檣邊走嵐翠枕底失風湍但
訝猿鳥定不知霜月寒前賢竟何益此地誤垂竿

山中

散拙亦自遂粗將猿鳥同飛泉高瀉月獨樹迥含風果
落槃盂上雲生篋笥中未甘明聖日終作釣魚翁

與清溪趙明府

清規暫趨府獨立與誰親
遂性無非醉求閒卻愛貧
林泉應入夢印綬莫留人
王事聞多暇吟求幾首新

示鄉叟

暮齒甘哀謝逢人惜別離
青山前代業老樹此身移
買藥將衣盡尋方見字遲
如何鑷殘鬢覽鏡變成絲

題烏龍山禪居

暑夜月華猶冷濕自知坐卧逼
星宮晨雞未暇鳴山底

蚤日先來照屋東，人世驅馳方丈內。
海波搖動一杯中，伴師長住應難住。
歸去仍須入俗籠。

題睦州郡中千峯榭

豈知平地似天台，朱戶深沈別徑開。
曳響露蟬穿樹去，斜行沙鳥向池來。
窓中蚤月當琴榻，牆上秋山入酒杯。
何事此中如世外，應緣羊祜是仙才。

德政上睦州胡中丞

上德由來合動天，旌旗到日是豐年。
羣書已熟無人似。

五字研成舉世傳莫道政聲同宇宙須知紫氣滿山川
豈唯里巷皆蘇息猶有恩波及釣船

與桐廬鄭明府

字人心苦達神明何止重門夜不扃莫道耕田全種秫
兼聞退食亦逢星映林顧兔停琴望隔水寒猿駐筆聽
卻恐南山盡無石南山有石合為銘

胡中丞蠶梅

不獨閒花不共時一株寒艷尚參差凌晨未噴含霜朶

應侯先開亞水枝
芬郁合將蘭並茂
凝明應與雪相欺
謝公吟賞愁飄落
可得更拈長笛吹

山中寄吳礪

莫問終休否
林中事已成
槃餐憐火種
歲計付刀耕
掬水皆花氣
聽松似雨聲
書窓翹足卧
避險側身行
果傍間軒落
蒲連濕岸生
禪僧知見理
妻子笑無名
更擬教詩苦
何曾待酒清
石溪魚不大
月樹鵲多驚
砌下通樵路
窓間見縣城
雲山任重疊
難隔故交情

憶故山

舊山長繫念終日卧邊亭道路知己遠夢魂空再經秋
泉涼好引亂鶴靜宜聽獨上高樓望蓬身且未寧

送王翁登科後歸江東

南行無俗侶秋鴈與寒雲野性自心愜鄉名人共聞吳
山中路斷浙水半江分此地登臨慣含情一送君

山中即事

趨世非身事山中適性情野花多異色幽鳥少凡聲樹

影搜涼卧苔光破碧行間尋采藥處仙路漸分明

陪睦州胡中丞泛江

仙舟仙樂醉行春上界稀逢下界人綺繡峯前聞野鶴
旌旗影裏見游鱗澄潭徹底齊心鏡雜樹含芳讓錦茵
凡許從容誰不幸就中光顯是州民

初歸故里

常思舊里欲歸難已作歸心即自寬此日蚤知無爵位
當時便合把漁竿朝昏入閨春將逼城邑多山夏卻寒

不是幽愚望榮忝君侯異禮亦何安

歸睦州中路寄侯郎中

顏巷蕭條知命後
膺門感激受恩初
卻容鶴髮還蝸舍
猶夢漁竿從隼旟
新定暮雲吞故國
會稽春草入貧居
鄉中自古為儒者
誰得公侯降尺書

侯郎中新置西湖

遠近利民因智力
周回潤物像心源
菰蒲縱感生成惠
鱸鮓那知廣大恩
澈灩清輝吞半郭
縈紆別派入遙村

沙泉遶石通山脉岸木黏萍是浪痕已見澄來連鏡底
兼知極處浸雲根波濤不起時方泰舟楫徐行日易昏
烟霧未應藏島嶼鳬鷺亦解避旌幡雖云桃葉歌還醉
卻被荷花笑不言孤鶴必應思鳳詔凡魚豈合在龍門
能將盛事添元化一夕機謨萬古存

歲晚言事寄鄉中親友

急景蒼茫晝若昏夜風乾峭觸前軒寒威半入龍蛇窟
煩氣全歸草樹根蠟燭凝來多碧焰香醪滴處有冰痕

尺書未達年應老先被新春入故園

項處士畫水墨釣臺

畫石畫松無兩般猶嫌瀑布畫聲難雖云智慧生靈府
要且功夫在筆端潑處便連陰洞黑添來先向朽枝乾
我家曾寄雙臺下徃徃開圖盡日看

送睦州侯郎中赴闕

昔著政聲聞國外今留儒術化江東青雲舊路歸仙掖
白鳳新詞入聖聰絃管未知銀燭曉旗幟已待錦颿風

郡人難議酬恩德徧在三年禮遇中

桐廬江閣

風烟百變無定態緬想畫人虛損心卷箔檻前沙鳥散
垂鈎牀下錦鱗沈白雲野寺凌晨磬紅樹孤邨遙夜砧
此地四時拋不得非惟盛暑事開襟

偶作

直為篇章非動衆遂令軒蓋不經過未妨溪上泛漁艇
又得門前張雀羅夜學事須憑雪照朝厨爭奈絕烟何

若於巖洞求偏類今古疎愚似我多

送鄉中故人

少小與君情不疎聽君細話勝家書
如今若到鄉中去道我垂釣不釣魚

思江南

昨日草枯今日青羈人又動望鄉情
夜來有夢登歸路不到桐廬已及明

懷桐江舊居

長向新郊話故園
四時清峭似山源
春潮撼動鶯花郭
秋雨閉藏砧杵市
井多通諸國貨
鄉音自是一方言
此中別有無歸計
唯把歸心付酒尊

贈桐谿主人

嶺猿沙鷗似同游
竹溪荷灣可漾舟
更入深溪見溪主
蒼苔石上卧垂鈎

題懸溜巖隱者居

世人如要問生涯
滿架堆牀是五車
谷鳥暮蟬聲四散

修篁灌木勢交加，蒲葵細織團圓扇。
齏菜平鋪合運花，卻用水荷包綠李。
兼將寒井浸甘瓜，慣緣險峭收松粉。
常趁芳鮮掇茗芽，池上樹陰隨浪動。
窓前月影被巢遮，坐雲獨酌杯盤濕。
穿竹微吟路徑斜，見說公卿訪遺逸。
逢迎亦是戴烏紗。

題仙巖瀑布呈陳明甫

方知激颺與飛噴，直恐古今同一時。
遠壑流來多石脉，寒空撲碎作凌澌。
謝公巖上衝雲去，織女星邊落地遲。

聚向山前更誰測深沈見底是澄漪

書桃花塢周處士壁

醉吟雪月思深苦思苦神勞新髮生自學古賢修靜節
唯應野鶴識高情細泉出石飛難盡孤燭和雲濕不明
何事懶於嵇叔夜更無書札答公卿

法華寺

砌下雙顛有鶴棲孤猿亦在鶴邊啼卧聞雷雨歸巖蚤
坐見星辰去地低一徑穿緣應就郭千花掩映似無溪

是非生死多憂惱此日蒙師為破迷

贈方干

吳融

把筆盡為詩何人敵夫子句滿天下口名聒天下耳不
識朝不識市曠消搖間徙倚一杯酒無萬事一葉舟無
千里衣裳白雲坐卧流水霜落風高忽相憶惠然見過
留一夕一夕聽吟十數篇水榭林蘿為岑寂拂旦舍我
亦不辭攜筇徑去隨所適隨所適無處覓雲半片鶴一
隻

清溪

清溪見底露蒼苔密竹垂藤鎖不開應是仙家在深處
愛流花片引人來

贈方干

可鵬

盛名傳出自皇州一舉參差便縮頭月裏不無攀桂分
湖中剛愛釣魚休童偷詩藁呈鄰叟客乞書題謁郡侯
獨泛短舟無限興波濤西接洞庭秋

哭方先生

斗牛文星落知是先生死湖上聞哭聲門前見彈指官
無一寸祿名傳千萬里死著紙衣裳生誰念朱紫我心
痛其語淚落不能已猶喜韋補闕揚名獻天子

歸桐廬寄嚴長史

章八元

昨辭夫子櫂歸舟家在桐廬憶舊丘三徑煥時花競發
兩溪分處水爭流近聞江老傳鄉語還見家山減旅愁
或在醉中逢雪夜懷賢應向剡川游

釣臺

劉駕

澄流可濯纓嚴子但垂綸孤坐九層石遠笑清渭濱潛
龍飛上天四海豈無雲清氣不零雨安使洗塵氛我來
吟高風彷彿見斯人江月尚皎皎江石亦磷磷如何臺
下路明日又迷津

送尹蔓回睦州

厲翼

憐君授衣月遠作泛舟行江閣桐廬岸山深建德城千
尋喬木影七里暮灘聲興盡當停櫂臨流更濯纓

釣臺

唐穎

寥落荒臺七里洲
賢人永逐水東流
寒猿叫斷青天月
千古冥冥潭樹秋

釣臺

杜荀鶴

蒼翠雲峯開俗眼
泓澄烟水浸塵心
唯將道業為芳餌
釣得高名直至今

清溪來明府出二子請詩因遺一絕

珠明玉潤盡驚人
不稱寒門不稱貧
若向吾唐作雙瑞
便同祥鳳與祥麟

哭方子

何言寸祿不沾身身沒詩名萬古存況有數篇關教化
得無餘慶及兒孫漁樵共壘墳三尺猿鶴同棲月一邨
天下未寧吾道喪更誰將酒酌吟魂

桐江春望

劉仁德

江上車聲落日催紛紛擾擾起塵埃更無人望青山立
空有颿衝夜色來沙鳥似雲鐘外去汀花如火雨中開
可憐瀟灑鴟夷子散髮扁舟竟不回

聞進士許彬罷舉歸睦州悵然懷寄鄭谷

桐廬歸舊廬垂老復樵漁吾子雖言命鄉人懶讀書烟
舟撐晚瀨雨屐剪春蔬異代名方振哀吟莫廢初

題清溪方仙翁廟

高駢

清溪道士人不識上天下天鶴一隻洞房深鎖壁窓寒
滴露研朱點周易

引泉詩

睦州龍興觀
老君院作

陸龜蒙

上嗣位六載吾宗刺桐川余來拜旌戟詔下之明年是

時春三月繞郭花蟬聯嵐盤百萬髻上插黃金鈿授以
道士館置榻于東偏滿院聲碧樹空堂形老仙本性樂
凝澹及來更虛玄焚香禮真像盥手披靈編新定山角
角烏龍獨巉然除非淨晴日不見蒼崖顛上有擎雲峰
下有噴壑泉泉分數十丈落處皆清潺寒聲入爛醉聒
破西窓眠支筇起獨尋只在牆東邊呼僮具畚鍤立鑿
莓苔穿漾叢滌派墮練帶橫斜牽亂石拋落落寒流響
濺濺狂奴七里瀨縮到疏楹前跳光潑半散涌沫飛漩

圓勢束三峽挂瀉危孤磴縣曾聞瑤池溜亦灌朱草田
鳬伯弄翠鸞雛舞丹烟凌風捩桂柁隔霧馳犀船况
當玄元家嘗著道德篇上善可比水斯文參五千精靈
若在此前惡微波傳不擬爭滴漉還應會淪漣出門後
飛箭合勢浮青天必有學真子鹿冠秋鶴顏如能輔余
志日使疏其源

上新定宋使君二首

貫休

禪坐吟行誰與同杉松共在寂寥中碧雲詩理終難到

白藕花經講始終水疊山重擎草疏砧清月皓立霜風
十年勤苦今酬了得向桐江識謝公

寺倚烏龍腹窓中見碧稜空廊人畫祖古殿鶴窺鐙風
吼深松雪鑪寒一鼎冰唯應謝內史知此道心澄

寄桐江馮使君四首

山風與霜氣浩浩滿松枝永日燒杉子無人共此時為
文攀諷諫得道在毫釐唯有桐江守常憐志不卑

端居碧雲暮好鳥啼紅芳滿郭桃李熟卷簾風雨香清

吟繡段句默念芙蓉章未得歸山去頻升謝守堂

山東山色勝諸山謝守清高不可攀薄俗盡於言下泰
苦心唯到醉中間香凝錦帳抄書後月轉棠陰送客還
野客需恩歸未得蕭蕭霜葉滿柴關

瓦礫文章豈有媒兩三年只在金臺本師頭白須歸去
太守門清願再來皓皓玉霜孤鴈遠蕭蕭松島片颿開
從茲林下終無事唯有焚香祝上台

秋寄李頻使君二首

為郎須塞詔當路亦飢驅貴不因人得清還似句無燒
烟連野白山藥按階枯想得徵黃詔如今已在途
務簡趣難陪清吟坐綠苔葉和秋蟻落僧帶野香來留
客朝嘗酒憂民夜畫灰終期冒風雪江上見宗雷

寄新定桂叢

獨自住梅嶺隣應是衲僧句須人未道君此事偏能塢
濕雲霾觀溪寒月照罾相思不可見江上立騰騰

寄烏龍山賈秦處士

庭果色如丹相思夕照殘雲邊蹋燒去月下把書看澗
水仙居共窓風漆樹寒吾君方仄席未可便懷安

桐江間居作五首

木落雨修修桐江古岸頭擬歸仙掌去剛被謝公留猛
燒侵茶塢殘霞照角樓坐來還有意流水面前流

香剎通真觀樓臺倚郡城陰森古樹氣羸淡老僧情壁
畫連山潤仙鐘扣月清何須結西社大道本無生

靜室焚檀印深鑪燒鐵餅茶和阿魏煖火種栢根馨數

隻呼來鶴成堆讀了經何妨似支遁騎馬入青冥
不問庚桑子唯師妙吉祥等閒眠片石不覺到斜陽獨
自收櫛葉教童采栢瓢王孫莫相笑淡泊味還長
露滴滴衡茆秋成爽氣交霜裊如蜜裏岡葛似鹽苞淨
癖侵蛩穴微陽落鶴巢還如山裏日門更絕人敲

對雪寄新定馮使君二首

仙掌空思歸未能焚香冥目對殘鐙豈知瑞雪千山合
空覺春寒半夜增翳月素雲羶粉堞堆巢孤鶴下金繩

因思太守憂民切吟對瓊枝喜不勝

政化猶來通上靈豐年祥瑞滿
憲明氣嚴坐久鎰凝燄
片大更深屋作聲飄奄烟霞何處去
欹斜杉竹向簾傾
雪林中客雖無事還有新詩半夜成

登千霄亭

已下六首陪
馮使君游

擁翠捫蘿山屐輕飄飄紅旆在青冥
仙科朱紱言非貴
溪鳥林泉癖愛聽古桂林邊碁局濕
白雲堆裏茗烟青
因思廬岳彌天客手把金書倚石屏

游靈泉院

珂佩喧喧滿路岐，亂泉聲裏扣禪扉。
對花語合希夷境，坐石苔黏黼黻衣。
鳥啄古杉雲冉冉，風吹清磬露霏霏。
惠嚴亦有孤峯在，只戀翻經未得歸。

過相思嶺

譽自馨香道自怡，相思嶺上卻無機。
荒渠葉覆深霞在，片石人吟一鳥飛。
何處風砧傳古曲，誰家冢樹掛斜暉。
因思往事堪悲笑，鶴背魚竿未是歸。

錦沙墩

臨水登山興自奇
錦沙墩上最多時
雖云髮白孤峯好
其奈名清聖主知
草媚蓮塘資逸步
雲生松壑有新詩
脩然別是神仙趣
豈羨東山妓樂隨

釣罾潭

境靜江澄無事時
紅旌畫鷁動魚磯
心期只是行春去
日暮還應得鶴歸
風破綺霞山寺出
人歌白雪島花飛
自憐亦在仙舟上
玉浪翻翻滅草衣

迎仙閣

澗香霞影遶樓臺卷箔凭欄耳目開
況從旌旗近鸞鳳
可憐譚笑出塵埃
火雲不入長松徑
露茗何須白玉杯
誰道迎仙仙不至
今朝還有謝公來

夏雨登千霄亭上宋使君二首

霽色澄鮮壑飲虹
千霄亭上望無窮
蟬驚殘雨疑秋早
雷傍嚴城報歲豐
歸廟片雲銜紫電
立查雙鶴唳仙風
自憐四郡干戈日
得在文翁教化中

鄒魯封疆禾稼濃清吟孤坐思重重新詩幾獻蓬萊客
遠夢仍歸茁茁峯野果一枝堪薦茗落霞數片欲燒松
如何深得冥搜癖月磬聲聲歸去慵

宋使君罷新定移出東館二首

無為政化更何為到即生人嫗煦肥必似漢高三傑去
且將劉寵一錢歸玉階香惹麒麟步銀漢風驅鷺鷥飛
為報烝民莫惆悵陶鈞及爾更光輝

祖筵四面烟花合江館深冬歸思長火旆畫旗風燄燄

橘洲漁舍浪茫茫聽歌幾入紅蘭榭坐隱頻升白玉堂
今歎不如沙磧鴈天邊一一得隨陽

寄杭州宋使君

公初罷
睦州

一自雙旌下釣臺望風吟苦凍雲開即歸紫闥天非遠
猶憶烏龍首獨回高節似僧僧共坐暮潮如雪雪中來
應知新定蒼生淚灑向東風祝上台

游嚴陵釣臺


雪浪皚皚萬古情岸邊臺占子陵名一時大器天將與

數尺漁竿誰不擎危榭高碑鵠籀字滄洲老鶴識先生
游人到此慵歸去庭樹孤猿有好聲

新定江邊作

江邊山頂深秋時身間蕭灑心無為石頭青草取次坐
松風竹風撩亂吹數聲好鳥來依我一點征颿去是誰
惆悵古賢何處在潺湲夕照滿江湄

日落山照耀
即此處也



嚴陵集卷二

欽定四庫全書

集部

嚴陵集卷

三至五

詳校官庶吉士_臣柳邁祖

助教_臣常循覆勘

總校官庶吉士_臣朱 鈐

校對官編修_臣錢 樸

謄錄監生_臣張宗淦

欽定四庫全書

嚴陵集卷三

宋 董弁 編

詩

新桐廬知縣負外端修節行富有才名九霄未展
於奮飛百里暫勞於綏撫言之美任即動征橈敢
賦惡詩用伸攀送

李昉

詞筆凌雲正後生安貧守道住神京昔年南國無虛譽

今日中朝有令名楊柳岸邊揮袂去木蘭舟裏載書行
琴堂莫作多時計碧落方開萬里程

桐廬負外出勲德之門以儒素為業泊來儀於京
闕久飛譽於縉紳今則膺鳳詔於朝端奏牛刀於
江表會承旨尚書賦瓊章於丹地餞蘭櫂於清流
愚雖不才敢繼其作

庖蒙

王謝高門江鮑才東遊何用更裴裒絃歌好就吳鄉拜
簪組初從魏闕來清酒一尊攜湫澹舊詩千首貯瓊瑰

健颿輕權須行樂莫效當時庾信哀

憫旱

田錫

下車逢歲旱禱廟望秋成火輪轉瞳眈赤日彌高明稻
苗已枯死麥壟不堪耕

闕

釣臺

劉昌言

漢業中微炎祚衰四海姦豪竊神器南陽龍虎方鬪爭
赤伏真人正天位先生高隱來富春耕耒青山自如意
一竿魚釣樂幽深七里溪光弄蒼翠朝中天子思故人

物色環中引其類先生獨步衣羊裘咳唾浮雲輕富貴
足加帝腹傍無人星動天文失躔次卓哉光武真聖君
終使狂奴畢高志雲臺千尺盡功臣誰肯回顧釣臺地

又

不會持竿意由來善一身何如事天子就削漢功臣亂
木凋雲際幽禽散水濱空餘臺下月千載屬漁人

留題釣臺

魯有開

昔日狂奴向此來愛垂芳餌上崔嵬鄉人不識釣臺意

空指山頭是釣臺

贈方江二君

丁謂

偶向嚴堂弔子陵布衣攜手遠相迎乍親冠蓋談諧少
久住林泉耳目清正好辛勤緣甚少最難遭遇是時平
李頻鄉黨玄英裔皆合工詩取盛名

釣臺

范師道

乾坤交泰重彌綸當日嚴陵道最淳大漢中興得英主
先生高退作閒人灘頭風月遺千古臺上綸竿寄一身

今日病夫祠下過獨知疲懦長精神

題釣臺

張保羅

漢包六合網英豪一箇冥鴻惜羽毛世祖功臣三十二
雲臺何似釣臺高

謫守睦州作

范仲淹

重父必重母正邦先正家一心回主意十口向天涯銅
虎恩猶厚鱸魚味復佳聖明何以報沒齒願無邪

赴桐廬郡淮上遇風三首

聖宋非強楚，清淮異汨羅。平生仗忠信，盡室任風波。
楫顛危甚蛟鼃，出沒多斜陽。幸無事沽酒聽漁歌。

妻子休生咎，勞生險自多。商人豈有罪，同我在風波。
一擢危於葉，傍觀亦損神。他時在平地，無忽險中人。

出守桐廬道中十絕

壠上帶經人，金門齒諫臣。雷霆日有犯，始可報君親。
君恩太山重，爾命鴻毛輕。一意懼千古，敢懷妻子榮。
妻子屢牽衣，出門投禍機。寧知白日照，猶得虎符歸。

分符江外去人笑似騷人不道鱸魚美還堪養病身
有病甘長廢無機苦直言江山藏拙好何敢望天閭
天閭變化地所好必真龍軻意正迂闊悠然輕萬鍾
萬鍾誰不慕意氣滿堂金必若枉此道傷哉非素心
素心愛雲水此日東南行笑解塵纓處滄浪無限清
滄浪清可愛白鳥鑑中飛不信有京洛風塵化客衣
風塵日已遠郡枕子陵溪始見神龜樂優優尾在泥
嘉興道卿學士不以仲淹補責在遠寄遺佳什日

以諷味如清廟之瑟一唱三歎蓋有以動神感物
者焉桐廬郡溪山秀妙陸魯望所謂清涼國者茲
無敢讓又得葉道卿詩詠歌其間雅復增氣因依
韻以和庶幾元白之風同希閎於江山矣

世傳學干祿小子乃逢辰一入諫諍司鴻毛忽其身可
負萬乘主甘為三黜人豈量堯舜心如日照孤臣薄責
落善地雅尚過朝倫僅同龜在泥敢冀蠖求伸朱樓逼
清江下睨百丈鱗羨此南魚樂不忍持釣輪為郡良優

優乏才止循循恬愉弗擾外何以慰下民拙可存吾樸
靜可逸吾神漸得疎懶味下車將四旬嘉興風雅來觀
對如大賓感茲韶夏音佐我臺上春

新定感興五首

數仞黃堂上題名僅百賢孤高宋開府千載可拳拳
山水真名郡思多補諫官中間好田錫風月亦盤桓
風物皆堪喜民靈獨可哀稀逢賢太守多是謫官來
去國三千里風波豈不賒回思洞庭險無限勝長沙

江上多嘉客清歌進白醪靈均良可笑終日著離騷

遊烏龍寺

高嵐指天近遠溜出山遲萬事不到處白雲無盡時異
花啼鳥樂靈草隱人知信是棲真地林僧半雪眉

江干閒望

江干日清曠寓目一搯筇落葉信流水歸雲識舊峯蘭
蓀誰共采鳬鴈自相從莫愛蘋風起波來千萬重

和章岷推官登承天寺竹閣

僧閣倚寒竹幽襟聊一開清風曾未足明月可重來晚
意煙垂草秋姿露滴苔佳賓何以佇雲瑟與霞杯

齋中偶書

狂愚多苦口幽遠獨甘心言路有餘責權門無去音忘
憂時叩易思古即援琴此意誰相和寥寥鶴在陰

依韻酬周駸太博同年

孰敢先懷富春圖良時須惜幾嗟吁衆人可致巍巍主
上意思平兩兩符不稱內朝裨耳目多慙外補救皮膚

子陵灘畔觀漁釣無限殘陽媚綠蒲

依韻答胡侍郎見寄

千年風采逢明主一寸襟靈慕昔賢
待看朝廷興禮讓天衢何敢闕先鞭

蕭灑桐廬郡十絕

蕭灑桐廬郡烏龍山靄中使君無一事心共白雲空
蕭灑桐廬郡開軒即解顏勞生一何幸日日面青山
蕭灑桐廬郡全家長道情不聞歌舞事遶舍石泉聲

蕭灑桐廬郡公餘午睡濃人生安樂處誰復問干鐘
蕭灑桐廬郡家家竹引泉令人思杜牧無處不潺湲
蕭灑桐廬郡春山半是茶輕雷還好事驚起雨前茅
蕭灑桐廬郡千家起畫樓相呼采蓮去笑上木蘭舟
蕭灑桐廬郡清潭百丈餘溪翁應有道所得是嘉魚
蕭灑桐廬郡身閒性亦靈降真香一炷欲老悟黃庭
蕭灑桐廬郡嚴陵舊釣臺江山如不勝光武肯教來

桐廬郡齋書事

千峯秀處白雲驕，吏隱雲邊豈待招。
數仞堂高誰富貴，一枝巢穩自逍遙。
杯中好物閒宜進，林下幽人靜可邀。
莫道官清無歲計，滿山芝朮長靈苗。

桐廬郡卒陶旻者，本隸瓊林苑，以接花為事，因罪黥送于此寺。丞葛君閔感而作接花歌，幕中章君岷和以相示，因而綴焉。

江城有卒老且貧，顛顛抱關良苦辛。
衆中忽聞語聲好，知是北來京洛人。
我始問云何至是，欲語沈瀾墜雙淚。

斯須收淚始能言生自東都富貴地家有城南錦繡園
少年止以花為事黃金用盡無他能卻作瓊林苑中吏
年年中使先春來曉宣口敕修花臺奇芬異卉百餘品
求新換舊爭栽培猶恐君王厭顏色羣芳只似尋常開
幸有神仙接花術更向城中求絕匹梁王苑裏索妍姿
石氏園中搜淑質金刀玉尺裁量妙香膏膩壤彌縫密
回得東王造化工五色敷華異平日一朝寵愛歸牡丹
千花相笑妖嬈難竊藥常娥新換骨嬋娟不似人間看

太平天子春遊好金明柳色籠黃道道南樓殿五雲高
鈞天捧上蓬萊島四邊桃李不勝春何況花王對玉宸
國色晶明動韶景天香旖旎飄芳塵特奏霓裳羽衣曲
千官獻壽羅星辰允說臨軒逾數刻花吏此時方得色
白銀紅錦滿牙牀拜賜仗前生羽翼惟觀風景不憂身
一心歲歲供春職中途得罪情多故刻木在前何敢訴
竄來江外知幾年骨肉無音鴈空度北人情況異南人
瀟灑溪山苦無趣子規啼處血為花黃梅熟時雨如霧

多愁多悵信傷人今年不及去年身目昏耳重精力減
復有鄉心難具陳我聞此言聊悵悵近曾侍從班中立
朝違日下暮天涯不學爾曹向隅泣人生榮辱如浮雲
悠悠天地胡能執賈誼文才動漢家當時不免來長沙
幽求功業開元盛亦作流人過梅嶺我無一事逮古人
謫官卻得神仙境自可優優樂名教曾不棲棲吊形影
接花之技爾則奇江鄉卑濕何能施吾皇又詔還淳朴
組繡文章皆棄遺上林將議賜民畝似昔繁華徒爾為

西都尚有名園處我欲抽身希白傳一日天恩放爾歸
相逐栽花洛陽去

仲淹自桐廬移守姑蘇由江而上登嚴陵釣臺移
舟南岸宿方干處士舊居章從事聞之有詩見寄
因依韻和之

姑蘇從古號繁華卻戀巖巖邊與水涯重入白雲尋釣瀨
更隨明月宿詩家山人驚戴烏紗出溪女笑依紅杏遮
來蚤又拋泉石去茫茫榮利一吁嗟

仲淹景祐初典桐廬郡有七里瀨子陵之釣臺在
焉迺以從事章岷往講堂而祠之召會稽僧悅躬
圖其像於堂洎後守姑蘇道出其下登臨裴裊見
東巖絕壁白雲徐生云方干處士之舊居遂訪焉
其家子孫尚多儒服有楷者新策名而歸因留二
十八字又圖處士像於嚴公堂之東壁請刊詩於
其左

風雅先生舊隱存子陵臺下白雲邨唐朝三百年冠蓋

誰聚詩書到遠孫

題方先輩山居

高尚繼先君巖居與俗分
有泉皆漱石無地不生雲
鄰里多垂釣兒孫半屬文
幽蘭在深處終日自清芬

留題江先輩舊居

結舍近滄洲江山不外求
我來明月夜更得主人留

釣臺

章岷

乘興訪遺基扁舟宿煙渚
水淨寫天形山空答人語
風

簞自成韻霜葉紛如雨寒亭暮響清飢猿夜啼苦疑將
洞府接似與人寰阻不羨重城中喧喧聽笳鼓

陪范公登承天寺竹閣

古寺依山起幽軒對竹開翠陰當晝合涼氣逼人來夜
影疎排月秋鞭瘦出苔雙旌容託乘此地舉茶杯

和范公同章推官登承天寺竹閣

阮逸

竹石寒相倚雲窓曉共開閒身方外去幽意靜中來墜
響風隨籜移陰日上苔遲留秋更夜待月露盈杯

高峯

關詠

獨愛高峯最上頭
夕陽煙樹見嚴州
子陵貪向溪邊釣
應未曾來此地游

嚴陵集卷三

欽定四庫全書

嚴陵集卷四

宋 董弅 編

詩

杜少卿知睦州 宋祁

三年去國別堯雲一篋書空此謗分賈誼有才偏隕涕
屈原何賦不思君諫囊久晦沈餘草綬筭重開續舊薰
幾日班春向桑野漢家丹詔十行文

留題子陵釣臺

蔡襄

遁世巢由志能忘將相權人膽祠樹古天作釣臺圓孤
迹千秋外遺蹤一水邊清風敦薄俗豈是愛林泉

至睦州

一帶滄波兩向山扁舟中去幾時還浮生多半在離別
此意明知未肯閒

子陵二首

李師中

阿諛順旨為深戒遠比夷齊氣更豪半夜光芒侵帝座

有誰曾似客星高

杜稷功名出隱淪
天高聽遠亦應聞
龐眉一去無人問
七里商山但白雲

寄睦州蘇七使君

張伯玉

闊步曾飛到廣寒
一麾聊頓野雲間
虬蟠澗底未失水
鷄在籠中且看山
舊日笑談猶壯否
近來書信亦稀還
嚴灘桐嶺宜秋醉
卻恐才高不柰閒

桐廬蘇七太守通判晏魯望遠寄倡和之什輒伸

紀美

余時授此
州監部

桐君園外州樹石最清幽水截三吳秀山當百粵秋巖
垆無俗土宅舍有高樓畫隼真才望題興雅唱酬灘聲
環醉枕鷺影入茶甌蚤晚陪清躅梯雲奉俊游

寄新定蘇七太守

聞道銀符渡睦溪桐山應為長清暉漁翁幾十迎舟拜
沙鳥成雙夾旆飛點檢簿書茶貢蚤體量風物橘奴肥
題興自媿來何晚未得雲中矚使威

之官新定同年李郎中以詩賦別即事感懷次韻
上答

雨後驚濤激箭催為君停櫂把離杯宦游向老令人笑
別恨傷春觸處來故國未歸江令宅全家且上子陵臺
如今遇酒伸眉醉休問多才與不才

之官新定寓興三首

關山雨雪征人淚京洛風塵倦客心誰信子陵溪上去
一川秋淨滌煩襟

金匱石室
卷四
汴水東浮不繫舟到官無事只輕鷗不才自古饒天幸
請卻俸錢溪上游

溪山千古絕浮埃時拂朝衣上釣臺卻恐被他漁父笑
糟醅不啜又閒來

之官新定卻寄并州通判王幾道

新定與并門天南天北人扁舟江外客別乘塞垣身朔
馬驚鳴橐秋鱸上釣綸何時敘離閤把酒碧嵩春

七里灘

漱玉鳴珠七里灘到今猶照客星寒
盧奴有水徒千頃未得高賢一瞬看

舟次子陵釣臺

十載從軍去又來強為顏面走塵埃
久慙簪笏未歸去且喜妻孥共此來
旋擷岸蔬供野飯欲題巖壁拂蒼苔
子陵昔日誠高趣未必全家上釣臺

睦州

千家樓閣麗朝暉人到于今說釣磯
雨後數峯驕欲闕

春來兩港活如飛高吟多謝沈家令中酒長憐杜紫微
更愛嚴城無鎖處白雲搖漾去還歸

送交代倅車晏十一魯望

魯望江南客風騷獵將壇高吟得意處清韻逼人寒場
屋聲華舊襟靈渤澥寬閨門盡羔鴈庭野列芝蘭黽勉
來新定淹留就小官酒論浩劫飲山欲上天看待月高

峯寺

高峯寺在
郡東絕頂

聽猿七里灘入雲移翠蕩鑿石引鳴湍

魯望疏北山泉於後閣為玉泉軒又
聞余好竹特徙數百本為清絕友

一日交符去芳風

善繼難紅塵久離闊白首此相歡

闊兩句

留方醫鶴

池上

二鶴久病遺方醫之闊

貺別遺漁竿

魯望常於嚴瀨自作釣竿尤得其妙既去持以貺余

虎

闊

寧知用松筠幸未殘路長分驥馭火烈辨琅玕

闊

際多平仲鵠原有謝安卷舒知自得不用苦彈冠

監州新定卻寄并州舊僚

久從光祿長城戍卻到嚴陵舊釣灘休問簿書邊報急
且聽宅舍水聲寒舟浮南渡雲千里睡起東窓日數竿
寄語晉溪溪上月楚天雖遠一般看

同年李郎中以詩見寄仍許見過次韻和答

新定溪山國病懷忻所依
桐君談藥妙嚴瀨得魚肥
吏退抄書譜朋來典道衣
軒車如顧我春酒上苔磯

烏龍寺祈雨回馬上口占

官曹苦羈束祈靈得幽便
夾路松披鬣躡石煙分練
迎軒玉泉響鳴騶沙鳥散
曉日破霜陰前峯藹蔥蒨
逶迤步高閣窈窕出雲漢
坐來清思生語餘疎磬緩
方將塵滓滌還憂簿書亂
偃旆拂歸轡回首青猿斷

西湖樓

積水照層峯登臨誰與同望來生羽翼醉欲上煙空細
細濕花雨疎疎開袖風新安江上景盡屬此樓中

玉泉祈雨

南州富穠射萬壑縱奔瀨茲泉一何高夙與寥廓對邈
非猿鳥到迅恐巖礫碎霜落天地清玉立江海外人區
未蒙澤蛟龍茲有待淺石諒難溇當與雲漲會

登烏龍山寺閣

桐川本無塵況此幽閣迥萬木含秋聲一軒與天淨前
峯翠分滴後谷語相應檻下江雲歸檐前古雪凝巖僧
對游客湛若寒冰瑩百慮緣心空獨飯隨疎磬嗟余本
林壑謬與世紛競一作市朝人幾傷麋鹿性舊山別來
久蘿蔓鎖幽徑長恐客沈深未得歸期定息巾來此境
時覺襟韻勝猶媿招隱心聊為小山詠

後菴試茶

郡僻好藏身心閒久無事前軒飽食罷後菴取茶試巖

邊啟茶鑰溪畔滌茶器小竈松火然深鑄雪花沸甌中
盡餘綠物外有深意濫官來此游時得拂塵累莫笑後
菴茶閒中好滋味

郡齋閒步

花木方塘小樓臺宅院深以何消俸祿無事住山林雨
雪羈游路風沙苦戰心若論當此景不啻萬黃金

到新定後卻寄蘇州蔣侍郎

遂翁亭畔碧桃開招隱溪頭畫舫回曾奉雲鴻此真賞

金匱玉函
卷四
到今羽翼出塵埃閒窺玉宇書千卷渴飲金莖露一杯
別後霜天苦寥闊海雲深處望公台

自新定沿牒三衢舟中寓興寄所知

井落甌閩近鄉亭百粵連一萍游宦客兩漿上灘船石
壅千尋浪山圍幾匝天亂篙鳴遠嶼羣譟捧危舷峽斷
疑無路汀回復濟川林深羨沙鳥邨近喜人煙豈昧垂
堂誠都由稍食牽家山舊廬在蚤晚賦歸田

舟次蘭溪卻寄新定太守

解纜向蕭瑟，叙別喜英豪。
野水征颿迥，秋天翠幕高。
使旗標畫隼，騎吹壓霜濤。
幾日狂醒折，思君夢更勞。

新安江舟中奉酬孫觀書記

十年塞外憶江山

余從事太
原十年

今日扁舟縱眼看，
匝岸野

花紅似簇，避人沙鳥起成團。
放懷自古酒為得，老筆到
今詩最難。君解高吟，我方飲，
幾人能共此清歡。

送清溪鄭中舍官滿還京

鄭宰金閨彥，年來解紱歸。
囊裝輕劍在，場屋故人稀。

鄭君應先朝舉水館酒初罷霜江颿欲飛無煩重回首行矣近

天暉

廬官滿先寄杭州資政侍郎

海角千家郡天南一水涯倦游暫梗泛多滯喜瓜時弱

羽誠難振危根只自持九門嘗際遇百步亦參差

某發忝進

士第再以書判拔萃登科又以賢良方正待詔而才實無取時謂濫吹

萬壑噴霆霧千峯

出險巖牢愁客星見孤節澗松知賀厦寧無託披雲幸

有期魯堂金石地商欲再言詩

和王治臣新定即事

碧泉千脉瀉金溝名是東南俗阜州

州名取俗阜人和之義

任昉

舊詩題縣石賀齊高壘照江流月明幾處游歸客春色
何人醉倚樓我是江潭釣魚者喜君相見且相留

王治臣以余在告寵示嘉什

新安泉石最為佳多病何勞養歲華藥好幸依桐圃近
山寒惟畏酒壚賒狂思逸客浮滄海渴想仙人飲絳霞
欲傍重陽搗策起菊房新小玉生芽

近約使君九日龍山之飲

次韻王治臣九日使君席上二章

楚楓丹外客飄稀
水拍長天鴈字垂
樂事喜逢千日酒
凭高正在九秋時
吳歆調笑歌楊葉
蠻鼓鏗闐引柘枝
使騎相逢且留飲
行看卓馬轡如絲

新安江碧郡樓危
九日登臨醉袖垂
莫笑松筠歲寒地
卻勝桃李豔陽時
清渟酒瑩紅螺面
窈窕笙攢碧玉枝
未必尊前嘆遲暮
幾人如我始牽絲

答延平王八使君望江亭見懷之什

望江亭上望桐江煙水茫然隔鎖窓擢第蚤同丹桂樹

從軍俱在碧油幢

慶厯初余與治臣俱在征西

天遙皓月人千里書

託紅鱗錦一雙開府時多家令瘦酒旗猶恐未相降

兄大

說延平酒美僕因率爾自負

釣臺

盡逐鯨鯢埽八區故人惟我更無餘雲臺功將任圖畫
天上客星閒卷舒若把殺人來逐鹿爭似全身歸釣魚
先生有意羲皇外不為林泉傲帝居

罷新定至錢塘喜見孫觀書記

桐江撝袂蚤三年把臂重來講舊篇
陌上風塵成底事鬢邊霜雪但依然
虬蟠我亦思滄海鶚薦君方上碧天
孫以諸侯薦將改官忍把離杯又拋擲
別愁紛淚滿春煙

至和中得倅新定今領福唐再經此郡感舊書懷
因呈使君劉孝叔

十年前倅此州來平日風情尚壯哉
玉水聲中寒濯筆石楠香裏夜銜杯

郡城外有玉泉菴最為絕景又倅廳前有石楠一本陰合庭中凡飲席不

幕須帶可憐白首成何事猶得紅旌向此回太守故人應

笑我踐言堪媿子陵臺

余侔郡時年甫三十蚤有退休意于今未得已故有是句

飯芝川邨舍

新定郡山後

嫩苗苒苒頭角秀柔桑裊裊陰影輕
茆簷飯起上馬去一聲雨後黃鸝鳴

宿普光寺

去州城三十五里

無端未得歸林下又向南方擁使麾
夜宿禪關更蕭灑一軒寒月照清池

宿桐廬縣江口

桐廬江水碧百丈見游魚元是新安水流從下瀨初

新安

江水纔下七里灘至此清風寒到底明月靜涵虛塵土誰難濯人

心自不如

桐廬寺曉鐘

扁舟下桐圃霜月滿寒潭疎鐘一聲起清與天地參春
容逗萬壑窈窕出層嵐羈魂不成寐洗耳滌塵貪

桐江口見雪

無諸地無霜

福唐號無諸城

從古困炎熱曉出桐江口喜見羣

峯雪酌酒高颿下歸思滿寥泬從今不繫舟泛泛老清

澈

出七里瀧口望桐廬縣

瀧口波自平滄洲分兩溪辛勤下百粵乍出天一涯近
入桐廬市潮水溢中泚不聞湍瀨聲沙鳥浩然飛物我
兩俱適吾亦浩然歸

龍門巖

未到子陵灘先見龍門石萬物鎮羣峯闐然聳雙壁清
泉界中道亢若高門闕樵童走深徑漁戶掩沈碧白首
釣魚郎不知有行客

至睦州泊新安江口

前歲過此州手持七閩節雖遠敢憚勞攬轡遲明發回
瞻七里瀨何日榜舟歇幸得滿三年解符下甌粵卻到
新安江依然舊澄澈歛巾照江水無白可添髮州人多
故吏

余嘗
倅郡

羅立皆磬折問我此去心復有何施設興言

顧諸老謝爾相慰說此度歸來心可共嚴陵說

港口渡

三月悲風瑟瑟寒小船舟楫渡溪難日高待得過岸去
回首脩篁千萬竿

送睦州丁郎中

雨後桐江木葉稀坐棠無事枕閒歌扁舟幾認嚴君釣
古壁多逢沈令詩夜靜好當輪省宿曉寒堪憶趁朝時
山城寂寞郎官貴想對秋風動所思

寄睦州朱少卿葛閱

何幸鄉扮託使麾憶曾淮渚見風儀泉分龍岫成新釀

廟鎖瓊甍換舊枝

維揚后土廟有瓊花

二水清涵潭月夜千峯晴

捲雪雲時向來瀟灑稱名郡少緩龍黃次補期

經大洋吳氏別業

漸老故人少與君茲晤言方山共鄰里好時舊田園溪

色寒生枕松陰翠入軒猶憐巾子在相對舉清尊

予明道中

與邵隱之王君章有巾子山聯句之作

龍盤山影倒寒流十里屏風翠入樓畫筆肯歸涵碧手

劉夢得涵碧圖詩有落在尋常畫師手之句

湖光疑對湧金秋

錢塘湖門

主翁愛

客排三雅漁父忘機任直鉤為訪紅雲遶花島滿船歌

舞按梁州

同孝叔游瀟灑亭

昔日賢侯多興詠為憐瀟灑復潺湲一橋飛處橫牛渚

孝叔新建水南浮橋

二水清來見浙源

沈杜有新安江見底及遠分丁字水之句竊以孝叔

政事如此雨漲瀑泉添嶽面晚晴春草帶潮痕好風新月相

留意只恐張綱擁使軒

題思范軒二首

華袞多年去竹軒更思風節紀山樊抗言后坐遺忠美

見爰盎傳卻遠慎夫人坐次故事

通使河源舊策存

文正嘗總西事

詩石欲留

千古永

竹閣倡和數首太守孝叔書丹

棠陰還對一樓繁

西湖有甘棠樓亦旌德政

使君才望須相繼莫厭林間駐畫輜

天下儒宗不世勲履聲今絕豈重聞空餘逸韻傳流水

猶喜清風在此君山倚孔祠分積翠

文正初建孔祠於此山面

篆尋

嚴瀨掛香雲

文正為嚴光廟記邵竦篆石

接花酬倡將三紀時拂塵

篇見舊文

某嘗為接花歌文正得之於從事章君因而繼作見丹陽集

題玉泉

靈源曾記古篇章飛入霜筠萬丈長六月林風吹寶瑟

九秋山翠圻銀潢試茶石鼎雲含液釀酒兵厨菊有香

新定茶品殊佳酒香如菊歲造多出玉泉因而命名云

到此欲知真玉性不為圓

折本來方

同孝叔游玉泉

石磴松陰一化城，泉源疑透古瑤京。僧知到耳此根靜，

客來洗心諸慮清。星紀祥光重壁合，

星紀吳分辰緯所聚太初厯起此

藍田霽色暮煙生。

小說玉煙最直李義山藍田日煥玉生煙吳子華亦曰玉煙絕此根滅

潺湲似識君將去，相送出山多別情。

初夏同孝叔游普光寺

魚跳蓮葉青，錢小雪壓花枝。玉燕參

時玫瑰盛開歌者爭插

細草

使輻瞻鹿擾微風，池果落鶯含滿甌。春茗浮仙露一點，

尖峯滴翠嵐。卻逐歸舟更多景，晚來雌霓挂寒潭。

初夏同孝叔游朱氏園

凍醪盧橘助登臨此地相逢舊友音
石潤自知梅信蚤池方應為玉流深
詩成山色排晴砌話久花枝轉夕陰
不見辟强妨底事月樓歸去正龍吟

留題千峯榭呈孝叔

君把玄英詩集披羣山依舊遶軒墀
杜陵幾醉花前地見樊川集謝客曾吟日落時
雨過荷香兼酒美雲深泉韻透
簾遲佳名大約稱千數百萬嵐盤一一奇

題新定郡齋寄孝叔二首

主人今向日邊歸，猶有清香滿謝池。
為囑西風莫搖落，不禁顚顚夕陽時。

右後池荷

花意知君改外臺，亂紅飛盡見蒼苔。
縱教顏色明年在，前度劉郎肯再來。

右賞春亭

留題玉泉山堂

動非緣境靜非禪物物前塵現四天此地筌蹄求妙論
有時瓔珞獻諸仙欲梅泉石多秋思過夏松篁聒晝眠
一箇攢眉招不至勞師香火漏沈蓮

題新定紅蕖閣

煙卷龍綃豔格殊彩霞翻處好風俱幾杯仙露含秋色

一曲蟾宮在畫圖

霓裳羽衣圖
見王維傳

雨送清香浮酒面泉飛

幽韻透城隅州民多有東南美盡應嘉招入幕無

新定旅館中作

趙湘

歲月鄉關外溪山暝色中孤城秋閉雨獨客夜聞鴻病
使新髭出貧令舊業空思歸不得夢欹枕近梧桐

桐江晚望

疊浪浸天青離愁望處生雨餘孤島暝花落一船橫岸
遠紅蘭濕魚狂白鳥驚無人問行客山寺暮鐘聲

暮冬新定郡樓閒望

江城逢歲暮獨自倚樓臺積雪明孤島微陽在蚤梅水
搖冰欲泮春近鴈思回故國還如此歸心但暗催

寄新安梁殿丞

郡孤詩句許秋供，見說多聞卻似慵。
移樹好禽來獨院，上樓高雪在諸峯。
泉當月際搖吟影，蘚自雲邊得屐蹤。
此興未尋頻挂夢，阮公池館舊相容。

秋晚舟泊桐江

嚴子臺邊水自流，夕陽無語倚松舟。
乍逢風月羞為客，及到溪山識盡秋。
移樹斷蟬初過雨，立沙孤鶴偶隨鷗。
鄉心旅思何人會，蘆葦蕭蕭一笛幽。

題釣臺

邵炳

光武休戈詔子陵高臺時暫別煙汀當時四海皆臣妾
獨有先生占客星

酬通判楊殿丞名霖巖洞

雲峯千仞對吾廬洞古名新郡守書須信神靈知受賜
先興霖雨遠隨車

嚴陵集卷四